

QUÆSTIO MEDICA,

CARDINALITIIS DISPUTATIONIBUS

manè discutiendâ in Scholis Medicorum, die Jovis

vigesimâ-octavâ Februarii.

M. FRANCISCO LE RAT, Doctore
Medico, Moderatore.



An fluori albo aqua Metallica?

I.

FLUOR albus mulieribus circa Mæotidem paludem, & Phasim fluvium degentibus familiaris; Parisinis, cæterisque magnas urbes luxuriæ plenæ incolentibus, penè vernaculus, Distillatio est per uterum, modò continua, modò interpolata, colluviei plerumque, cremori hordei, aut lactis sero persimilis, subflavæ nonnunquam aut viridis, vel nigricantis, vel saniosæ, sapius graveolentis. Hujus affectus non eadem vis & noxa est: quandoque levior, ac solo tædio & fæditate, aliàs lumborum dolore, lassitudine spontaneâ, & virium dejectione molestus; interdum dierum numero & vires eundo acquirens, pro stillantis humoris indole, vel pituitosi, vel acris, modò cachexiam, inappetentiam, crudelitatem ventriculi, prolapsum uteri, modò febrem, sitim, convulsivonem accersit; non rarò etiam Gonorrhœam virulentam consimilibus symptomatibus mentitur, quæ tamen ex illuviei copiâ, locorum muliebrium inspectione, ægrotantis querimoniâ discernes. Aberrant, qui utriusque affectus materiem, nihil aliud esse, quam superfluum seminis in vesiculis & prostaticis reconditum putant. Malè ergo fluor albus perhibetur corruptæ virginitalis signum. Mulieres reverà adulescentes, vetulas, prægnantes, septennæ etiam & triennæ puellas promiscuè exercet; has tamen rarius. Credesne sedum ad eò tædijque plenum, totque symptomatis gravem affectum aliquando ex usu esse? Ei interdum vitam debent mulieres valetudinariæ, eoque à periculosis morbis vindicantur. Cave ergo ne imprudenter & intempestivè sistatur. Et si illius curationem mediteris, corpore primùm repurgato, præmissisque universalioribus, ut fieri amat, & necesse est, ea Diureticis tentanda, non omnibus quidem & indiscriminatim, sed iis solum, quæ causas omnes hujus morbi fomites expugnare, & crassos humores perinde actenus educere valeant.

II.

COLLUVIES serosa non à solo cerebro diffluit; hepatis quoque, Lienis, venosi & arteriosi generis partus est. Hinc in varias partes dum ruit, diversos producit affectus, rarò ad hujus potius, quam ad illius morbi generationem pronior. Sicut ejus non unus fons & scaturigo, ita generationis non una sed multiplex ratio. Succrescit autem dum serum sanguinis fibræ supra modum à nimia coagulatione contractis exprimitur, vel iisdem solutis contineri, vel præ

nimiâ cruoris visciditate in ejus sinum admitti, aut si admittatur, cum illo permiscerinequit, quo fit, ut ex arteriarum osculis exudet, & in hanc vel in illam partem dilabatur. Interdum etiam gignitur ob singulare quoddam sanguinis, & partium principum vitium, cujus sicut indolem induit & characterem, sic etiam plerumque quamdam præ cæteris afficit partem. Quemadmodum enim non raro varium est malignum illud miasma, quo inficitur cruor; & Hepatis & Lienis obstructio quoque varia est: alia videlicet cui Cachexia, alia cui Chlorosis & Malacia succedit; quedam ad producendam affectionem hypochondriacam, hæc ad Scorbutum proclivior; alia, quam Leucophlegmatia excipit: Ita quandoque diversæ sunt colluviei ferossæ species; alia gingivas maxime impetit & exedit, ut Scorbutica; alia noctu potissimum sævit, & medios artus occupat, ut Venerea; alia articulos ut Arthritica; alia intestina; alia Pulmones, alia pleuram, unde Diarrhæa, Peripneumonia, Pleuritis creatur. Quidni & alia ad uterum vergit, unde fluor muliebris. Ut ut sit, utrique colluviei ferossæ speciei, sive vulgari, sive malignæ novum accedit vitium ab utero. Neque enim ille innocuus alienas solummodo excipit sordes, quin imò adauctâ nequitia, eas singulari quadam ac propriâ labe inquinat. Substantiæ enim floris muliebris varietas, color, teter ejus halitus, & vitus malignum, aliud adhuc præter sanguinis vitium declarant. An tantæ labis fons sit salina substantia, seu fermentum acidum uteri rugis insitum, quo, quidquid ad uterum appellit, sæpius in album facessit colorem, in obscuro adhuc positum est. Incertum quoque est, an sanguinis menstrui, & floris muliebris eadem sit materies, & cur ubi ille incipit, hic desineat. Inter tot floris albi causarum genera hæres, an iis expugnandis sufficiant Diuretica? Variæ sunt illorum species, aliæ acidæ, aliæ acres & amaræ, aliæ sulphureæ, aliæ mucilagineæ. Sunt etiam quæ ad uterum potissimum pertinent, ejusque saburram, perindè ac præcordiorum expediunt, ac menses movent. Non idcirco metuas, ne quantum detrahunt incommodi, tantumdem aliunde adjiciant: Nec eorum usum illis tantum permittas, quarum cruor non repurgatur sero. Mirificos etiam offerrunt fructus, cum major illius sit secretio, ut in Hydropsæ. Apio & Azaro Boethi uxor commodè persanata est. Rursus ut multiplex ratio colligationis sanguinis, coagulationis, visciditatis nimie, partium principum obstructionis, & uteri saburra; Ita variæ sunt acrium, sulphureorum & acidorum species. Quælibet enim acida, non cuius dissolutioni arcendæ, neque vicissim omnia attenuantia, cuius solvendæ coagulationi idonea. Quamobrem quæ diureticis vulgo imputantur vitia, accepta potius ferenda sunt medentium errori, qui tum eorum naturam, tum floris muliebris indolem minus exploratas habent. Aptare autem varias diureticorum species variis floris muliebris causis, hoc opus, hic labor est.

III.

AQUAS Metallicas in Diureticorum censum referri, unanimis est consensus. An epotæ in usum venire debeant, res in dubio apud eos tantum esse potest, qui iniquis sentiunt de re metallicâ. Ut Mineralium familia non omnis noxia, & inutilis, ita perfectio aquæ metallicæ, nec omnes, nec semper dammandæ. Exulent quidem, quæ per rupes, & saxa excurrunt, quia crudæ & duræ sunt, per urinas & alvum difficilius redduntur, nec abs re ætiosæ dicuntur; At alias, quæ debito mineralium concursu temperatæ, quales sunt inter Thermas, Bourbonienses, Anselmenses, Arcimbaldicæ, Vichienles, & inter Aci-

3

dulas, Pugenſes, Spadenſes & Forgenſes regiæ, & Sanreginenſes, iniquus eſt rerum æſtimator, qui apud vulgus traducit. Nec calorem, & ſiccitatem inenendabilem viſceribus, humoribuſve inferunt; nec caloris vi ipſa metalla concreſcunt, ut perperam clamitant quidam. Si quid iis igneæ ſubſtantiæ ineſt, materia metallicæ diverſitate, cœli ſolique conditione, perfluentis aquæ qualitate contemperatur, vel ſaltem ut plurimum. Verum ex ſolâ Metallorum naturâ vires aquarum Metalliarum ne metiaris; iis ſpiritus ineſt magnæ virtutis & efficaciæ, quem nemo viderit in cæteris mixtis. Hoc fortæ aquæ Metallicæ cæteris præſtant cephractis, ſed præcipuè diureticis, quod eorum vires unâ complexæ, ſi non omnes, ex illis ſaltem aliquæ, quibuſcumque fluoris muliebriſ cauſis aptè, ſtenuèque medeantur.

IV.

HALLUCINANTUR qui à mero viſcerum æſtu, quo partes dilatata timent, muliebrem fluxum derivant. Subeſt præterea in imis partium reſſibus limus quidam, cujus diluendi ratio non eadem, ut non eadem ſemper conditio: hic ad gummatum genus; ille ad reſinam; quidam ad tartari naturam accedit, unde nunc aqueis, nunc ſulphureis, quandoque utriſque, ſed ſalium admixtione animatis ſolvi & elui ſolet. Aqua quidem ſimplex gummata diluit, intactam relinquit reſinam, neque quaſcumque linteorum & veſtium ſordes terget, ſpiritu vini, vel felle bovis, vel ſale Ammoniaco, vel ſapone elucidas. Nec etiam par eſt quibuſcumque in humano corpore aggeſtis humoribus diluendis & expediendis. Multò pluribus opus eſt artibus, terebinthinâ, & oleorum cum ſpiritu ſalis permixtione, ad ſolvendos tartareos renum affectus; oleo Amygdalarum dulcium cum ſyrupo capillorum Veneris, ad pituitam diluendam grandini ſimilem, Peripneumoniarum bronchiis impactam; emulſionum & ſulphureorum uſu ad ſedandam hypercathariſin è ſcammonii reſinâ rugis ventriculi infixâ oriendam. Quid plura? Galenus graviffimo colico dolore detentus, ad pituitæ vietræ expulſionem oleum rutaceum, in cujus locum ſufficitur quandoque oleum nucum, vel manna Calabrinum, injici curat cum vino permixtum. Quemadmodum igitur obſtructio non à ſolo proficiſcitur calore, & diverſæ ſunt in corpore concrectiones pro diverſo humorum occurſu, ut calculus, & ea coagulatio quæ fit ex vini ſpiritus cum urinæ ſpiritu mixturâ, ſic varia ſolventium, ſeu menſtruatorum genera ſtatuas neceſſe eſt. Quidni etiam ex iis quedam non admittas peculiaria, quibus Scorbutum, Hypochondriacam affectionem, Hydropem, Cachexiam, Fluorem Muliebrem expugnes? Illæ enim affectiones, quarum non raro procreatrix eſt obſtructio, ut peculiarem naturæ ſunt indolem, ob diverſum concrectionis genus, ita ſingularem deſiderant operam, quas ſolius aquæ frigidæ potu nuſquam proſtigariſ. Ad aquas potius te conſeras Metallicas, quæ triplici gaudent ſubſtantiâ, ſulphureâ, aquâ & ſalinâ; partium principum inſarctibus, perinde ac cæteris cauſarum fluoris muliebriſ generibus multò valentius ac feliciter occurreſ. Acidulæ prout ferro, calcantho, ſulphure, nitro variè mixtis inſignitæ, humores temperant, calore concretos diluunt, ſuccos plus æquò luxuriantes vinciunt & coercent, uterum tergent cominodè, ſubductâ ejus ſaburrâ morbi fomite. Si quæ ulcera hujus affectus conſectaria, ſiſtunt & exſecant, apozematum, injectionumque vices adimplent. Theriæ vero bitumine perſuſæ aggeſtos ubivis humores ſibi congenereſ emolliunt, viquè ſalium, quibus adhuc ſaturantur, eluunt, ſaponis inſtar; partes mutantes firmant, acidam ſanguinis affectionem, inmodicamque ejus emendant viſciditatem & coagulationem ſolvunt.

SUSPECTA tibi sunt Thermarum dona ob sulphuream quā fœtæ sunt, substantiam, cæco igne modullis implicito? somnia terroris plena, neminem hæctenus eas impuniè hausisse: primus artis antistes non vano percussus metu, falsuginis ergo edomandæ fluoris muliebris ad Thermas invitat. Non enim perpetuum est sulphureorum usu biliosas febres accendi, quinimò cui non perspecta est eorum vis in deliniendis acrioribus succis? Spiritus Nitri, Vitrioli, Sulphuris, cæterorumque id genus liquorum acor immoderatus affusione spiritus vini inter sulphurea non abs re adscripti temperatur. Lactis usu, cujus substantiam non aqueam & frigidam, sed potiori jure sulphuream dixeris, placantur arthritici dolores acrioris serosæ illuviei fœtus. Ad ferinos bilis atræ morsus in dysenteria demulcendos decocto pingui & oleis quid præsentis? Sicut viscerum obstructionis expediendæ non una eademque ratio, ita humorum acrimonia, quàm diversò remedium apparatu emendatur; nunc aqueis, modò sulphureis, aliàs testaceis, & cretaceis frangitur. Aquam enim simplicem suo frigore, quidquid acre & amarum castigare, & bilem obrundere, inanis & vana cogitatio. Non tam latè patet ejus munificentia; quemadmodum non omnes morbi à mero calore, quin imo plerique maximè vehementiores, ex succorum intemperantiâ derivantur, acri nimirum, acido, aut austero aut acerbo, ut febres continuæ, peripneumonia, fluor muliebris, ita solo non curantur refrigerio; nec antè eorum definit exacerbatio, quam succorum accesserit attemperatio, coctio vel crisis. Simplex autem refrigeratio humores liquidiore non densat, crassos non attenuat, crudos non maturat, superbis exaltatos non remiscet cum temperatis, hac remixtione non novam profert humorum ideam, seu mutationem ex quâ crisis fiat, vel coctio, quæ nihil aliud est, quam mixtio, temperatura mutua, mutuaque veluti elixatio. Præterea appellare id remedii genus calidum, illud frigidum, & ascribere huic cibo, quod sit calidus, huic quod sit frigidus, quid inconconsultus? Non datur remedium, quod per se sit calidum, solo calore sit insignitum, & nullam quam calidi ideam præ se ferat, & ideo homini opem afferat, vel illum oblectat. Sicut in uno quoque remedio, vel cibo, amarum, acidum, dulce, austerrum occurrit, perinde ac calidum frigidum, ita sanè pro vario rerum concursu & applicatione modò calefacit, densat, coagulat, & fermentationem promover. Nec proinde potior est ratio, cur aquas metallicas calidas dixeris quam frigidas & emollientes, quippe quæ pro vario humorum occurssu, diversâ partis affectæ conditione, variâ ejusdem affectione, modò calefaciant, exciscent, refrigerent, emolliant, atque tam diversæ, numerosæque causarum fluoris muliebris, & symptomatum seriei adeo commodè occurrant. Qui nihil aliud, quam earum æstum importunè obruit, dum tot mirandas earum dotes silet, æque culpandus venit, acis, qui de ferro verba faciendo, vim incidendi solummodo ei impertit, cæteris viribus multò insignioribus prætermisiss.

Ergo fluari albo aque Metallicæ.

Asserebat Lutetiæ LUDOVICUS PIQUENOT DE DRAGUEVILLE,
Vallonienfis, Baccalaureus Medicus. A. R. S. H. 1692.

Apud Franciscum Muguet, Regis & Facultatis Medicinæ Typographum.